



Volumen Epistolarum, Qvas Romani Pontifices, Gregorijs III., Stephanvs III., Zacharias I., Pavlvvs I., Stephanvs IV., Adrianvs et Pseudopapa Constantinus miserunt& reges Francorvm, Carolvm Martellvm, ...

Gretser, Jacob

[München], 1613

Item exemplar Epistolæ eiusdem Papæ, ad Domnum Carolvm Regem directa, per Andream & Anastasium, pro iustitia sanctæ Dei Ecclesiæ, & de Leone Archiepiscopo, qui ad iam præfatum Dominum regem ...

[urn:nbn:de:hbz:466:1-65166](https://nbn-resolving.org/urn:nbn:de:hbz:466:1-65166)

nos firmiter credimus, & magnam habemus fiduciam, quod omnia, quæ B. Petro per vestram donationem offerenda promisistis, adimplere, pro magni regni vestri stabilitate, & æterna vobis conferenda retributione, studeatis.

*Item exemplar Epistolæ eiusdem Papa, ad
Domnum Carolum Regem directæ, per Andream & Anastasium, pro iustitia sanctæ Dei Ecclesiæ, & de Leone Archiepiscopo, qui ad iam præfatum Dominum regem properauit.*

LIII.

DOMNO excellentissimo filio Carolo, Regi Summ. 30.
Bar. &
Cent. Francorum, & Langobardorum, atq; patricio Romanorum Adrianus Papa. Reuertentes ad nos Missi nostri, quos ad vestram à Deo illustratam præcellentiam nuper visi sumus direxisse, scilicet Andreas Reuerendissimus frater noster Episcopus, & Anastasius Cubicularius detulerunt nobis honorandos atq; mellifluos benignissimæ Christianitatis vestræ apices, quorum series, dum nostris recitaretur auribus, liquido cuncta in eis adnexa didicimus, sed & ipsi præfati vestri Missi indeminute nobis omnia, quæ illis à vobis iniuncta sunt, detulerunt plenissime, adferentes de vestra beneuola puritate, & magna cordis constantia, quam erga B. Petrum, principem Apostolorum, & nostram mediocritatem secundum vestram promissionem habere videmini, pro quo nimio repleti gaudio, ilico, extensis palmis, ad æthera, omnium creatori Domino Deo nostro immensas tulimus grates, impensius pro vestra prosperitate eius diuinã

d exoran-

exorantes clementiam, vt confirmet idem Dominus Deus noster, hoc ipsum in vestro florifero pectore, quatenus velociorem atque copiosum fructum sancta spiritalis mater vestra, Romana nostra Ecclesia, caput omnium Ecclesiarum Dei, de vestra consequatur promissione.

Sed bone dulcissime atque præcellentissime fili, Domine mi, à Deo institute magne Rex, deprecor & obnixe peto, tanquam præsentialiter, coram tuis assistens obtutibus, cum magna fiducia, vt velociter ea, quæ beato Petro pro magna animæ tuæ mercede, & à Deo protecti regni vestri stabilitate, beato Apostolorum principi Petro, cœlorum regni clauigero, per tuam donationem offerenda spondidisti, adimplere iubeas, quatenus idem princeps Apostolorum multo amplius tibi protector & auxiliator apud diuinæ maiestatis potentiam existat; plenissimè enim satisfactus es, præcellentissime Regum, qualis fortissimus ac validus ipse Ianitor Regni cœlorum, beatus Petrus, tuæ extitit excellentiæ adiutor, & quomodo eius sacris interuentionibus omnipotens Dominus Deus noster, victoriam tibi tribuit, regnumque Langobardorum tuæ tradere iussit potestatis ditioni, & in antea magnam habeto fiduciam, quia eius suffragiis circumvallatus, tuis regalibus vestigiis cæteras barbaras nationes omnipotens Dominus substernet: quia nos omnino satisfacti sumus, & magnam habemus fiduciam, in vestri cordis constantia, celeriter vos omnia perficere, quæ eidem Apostolo Apostolorumque principi spondidisti: optime enim cognoscimus, qualis firmitas & integritatis stabilitas inter nos, Deo auspice, in Apostolica aula cor-
robo-

roborata est, & scimus, cui credidimus, & certi sumus.

Deo verò, quod innotuistis, ad vos properasse Leonem Archiepiscopum, nos quippe, vt testatur veritas, libentissimè acceptamus eos, qui ad vestra regalia accelerant vestigia; quoniam vna dilectio, vna charitas, eademque puritatis affectio inter nos consistit, & si præfatus Archiepiscopus nobis direxisset ad vestri se præsentiam velle proficisci, gratuito animo nostrum Missum cum eo direxissemus. Itaque præsens vester Missus aliam nobis obtulit præcellentiae vestræ epistolam, cuius confertam paginam discentes, valde noster lætatus est animus in vestræ mentis benigno proposito, Redemptorem nostrum multipliciter deprecantes, vt longo ac prospero senio, cum magna de hostibus victoria, cœlestis Regni gubernacula, pariter cum excellentissima, & à Deo protecta, filia nostra benignissima & verè Christianissima Regina, fidelissimaque amatrice beati Petri, dulcissima verò vestra coniuge, atq; amantissimis natis vos perfrui annuat, tribuens vobis & cœlestis regni cum sanctis perenniter possidenda gaudia. Incolumem
Excellentiam vestram gratia superna custodiat.



d 2

Item